



Broj: 2678/26

Datum: 04.08.2026. godine

Na osnovu člana 64. stav (1) tačka b), člana 70. stav (1), (3) i (6), člana 71. i člana 72. Zakona o javnim nabavkama („Službeni glasnik BiH“, br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova broj: 2448/22 od 30.12.2022. godine i broj: 481/23 od 17.03.2023. godine, na Preporuku Komisije za provođenje postupka javne nabavke broj: 2671/26 od 03.08.2026. godine, direktor JP „LOKOM“ d.o.o. Sarajevo, **d o n o s i**

O D L U K U **O IZBORU NAJPOVOLJNIJEG PONUĐAČA**

Član 1.

Prihvata se preporuka Komisije broj: 2671/26 od 03.08.2026. godine i okvirni sporazum za nabavku usluga najma radnih mašina sa rukovaocem dodjeljuje se ponuđaču Dinalsa d.o.o. Sarajevo, sa sjedištem na adresi Huseina Đoze 3, 71000 Sarajevo, za ponudenu cijenu od 42.500,00 KM bez PDV-a, odnosno 49.725,00 KM sa PDV-om.

Član 2.

Obavezuje se ponuđač iz člana 1. ove Odluke da, u roku od 5 (pet) dana od dana prijema Odluke o izboru najpovoljnijeg ponuđača, dostavi dokumentaciju traženu tačkom 3.1.3. tenderske dokumentacije, koja se odnosi na član 45. stav (2) Zakona o javnim nabavkama.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, donijet će se nova Odluka u korist onog ponuđača čija je ponuda po rang-listi odmah nakon ponude najuspješnijeg ponuđača.

Član 3.

Prijedlog okvirnog sporazuma o nabavci dostaviće se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na web stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Protiv ove Odluke može se izjaviti žalba u roku od 10 (deset) dana od dana prijema iste, u skladu sa odredbama Zakona o javnim nabavkama.

O b r a z l o ž e n j e

Postupak predmetne javne nabavke pokrenut je Odlukom o pokretanju postupka javne nabavke broj: 2381/26 od 30.06.2026. godine. Nabavka je provedena putem otvorenog postupka, a procijenjena vrijednost predmetne javne nabavke iznosila je 42.900,00 KM bez PDV-a. Postupak nije podijeljen na lotove, s obzirom na to da se radi o cjelovitoj nabavci.

Obavještenje o nabavci i tenderska dokumentacija objavljeni su na Portalu javnih nabavki dana 03.07.2026. godine u 13:45 sati, pod brojem 269-1-2-75-3-71/26, dok je sažetak Obavještenja o nabavci objavljen u „Službenom glasniku BiH – Oglasnik javnih nabavki“, broj 48/26, dana 10.07.2026. godine.

Komisija za nabavku imenovana je Odlukom broj: 2382/26 od 30.06.2026. godine.



Nakon isteka roka za dostavljanje ponuda, Komisija za nabavku je konstatovala da su blagovremeno zaprimljene tri ponude, i to ponude ponuđača „KlicoTransGradnja“ d.o.o. Sarajevo, Lapišnica bb, 71000 Sarajevo, Dinalsa d.o.o. Sarajevo, Huseina Đoze broj 3, 71000 Sarajevo i DRVOPROX d.o.o. Sarajevo, Esada Midžića broj 15, 71000 Sarajevo. Neblagovremeno pristiglih ponuda nije bilo.

Komisija je, u skladu sa članom 65. Zakona o javnim nabavkama Bosne i Hercegovine, izvršila pregled i ocjenu dostavljenih ponuda te sačinila Zapisnik o pregledu i ocjeni ponuda. Postupkom pregleda i ocjene utvrđeno je da ponude ponuđača Dinalsa d.o.o. Sarajevo i DRVOPROX d.o.o. Sarajevo ispunjavaju sve kvalifikacione, tehničke i formalne uslove propisane tenderskom dokumentacijom, te su ocijenjene kao prihvatljive.

U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), izvršena je provjera računске ispravnosti prihvatljivih ponuda, pri čemu nisu utvrđene računске greške.

Pregledom i ocjenom ponude ponuđača „KlicoTransGradnja“ d.o.o. Sarajevo, Komisija je utvrdila da ista ne ispunjava kriterijume za kvalifikaciju privrednog subjekta, zbog čega je ocijenjena kao neprihvatljiva, iz sljedećih razloga:

Komisija je utvrdila da ponuda ponuđača „KlicoTransGradnja“ d.o.o. Sarajevo ne ispunjava uslove propisane tačkom 3.4.2. b) i 3.4.2. c) tenderske dokumentacije. Pregledom dostavljene dokumentacije utvrđeno je da izjava o raspolaganju radnim mašinama ne sadrži marku i registarske oznake radnih mašina, iako su navedeni podaci tenderskom dokumentacijom propisani kao obavezni sadržaj izjave.

Također, ponuđač nije dostavio dokaz o vlasništvu nad ponuđenim radnim mašinama niti drugi dokaz kojim se dokazuje pravo raspolaganja radnim mašinama u skladu sa zahtjevima tenderske dokumentacije, već je dostavio upotrebne dozvole koje ne predstavljaju dokaz propisan tenderskom dokumentacijom za dokazivanje navedenog kvalifikacionog uslova.

Imajući u vidu navedeno, Komisija je utvrdila da ponuđač „KlicoTransGradnja“ d.o.o. Sarajevo nije dokazao ispunjavanje uslova tehničke i profesionalne sposobnosti kao kvalifikacionog uslova za učešće u predmetnom postupku javne nabavke, zbog čega njegova ponuda predstavlja neprihvatljivu ponudu u smislu člana 2. stav (1) tačka 1) alineja 2) Zakona o javnim nabavkama Bosne i Hercegovine, te je predložila njeno odbacivanje u skladu sa članom 68. stav (4) tačka i) Zakona o javnim nabavkama Bosne i Hercegovine.

Budući da je tačkom 4.12. tenderske dokumentacije predviđeno provođenje e-aukcije, Komisija je, u skladu sa članom 64. stav (1) tačka b) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), primjenom kriterija za dodjelu ugovora „najniža cijena“, te u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23), u informacioni sistem e-Nabavke unijela prihvatljive ponude i utvrdila početnu rang-listu ponuđača:

Red. broj	Naziv/ime ponuđača	Početna cijena bez PDV-a (KM)	Rang
1.	DRVOPROX d.o.o. Sarajevo	42.550,00	1
2.	Dinalsa d.o.o. Sarajevo	42.900,00	2

U skladu sa Pravilnikom o uslovima i načinu korištenja e-aukcije, putem informacionog sistema e-Nabavke zakazano je održavanje e-aukcije za 03.08.2026. godine sa početkom u 09:00:00 sati.

E-aukcija je uspješno okončana dana 03.08.2026. godine u 09:10:00 sati. Na osnovu Izvještaja o toku i završetku e-aukcije, preuzetog iz informacionog sistema e-Nabavke, Komisija je utvrdila konačnu rang-listu prihvatljivih ponuda:

Red. broj	Naziv/ime ponuđača	Konačna cijena bez PDV-a (KM)	Rang
1.	Dinalsa d.o.o. Sarajevo	42.500,00	1
2.	DRVOPROX d.o.o. Sarajevo	42.550,00	2

** Označava približnu vrijednost procentualnog umanjenja nakon zaokruživanja na dvije decimale



Na osnovu Izvještaja o toku i završetku e-aukcije, preuzetog iz informacionog sistema e-Nabavke, utvrđeno je da je ponuda ponuđača Dinalsa d.o.o. Sarajevo prvorangirana, sa konačnom cijenom u iznosu od 42.500,00 KM bez PDV-a.

U predmetnom postupku javne nabavke Komisija za nabavku dostavila je ugovornom organu Zapisnik o pregledu i ocjeni ponuda broj: 2670/26 od 03.08.2026. godine, Preporuku o izboru najpovoljnijeg ponuđača broj: 2671/26 od 03.08.2026. godine, kao i Izvještaj o radu Komisije broj: 2672/26 od 03.08.2026. godine.

Na osnovu navedenog, Komisija za nabavku dala je preporuku direktoru ugovornog organa da, u skladu sa članom 70. Zakona o javnim nabavkama Bosne i Hercegovine, donese Odluku o izboru najpovoljnijeg ponuđača Dinalsa d.o.o. Sarajevo u predmetnom postupku javne nabavke.

Prilikom razmatranja preporuke Komisije, ugovorni organ nije utvrdio razloge, nepravilnosti niti propuste u radu Komisije koji bi predstavljali osnov za neprihvatanje njene preporuke.

Uvidom u cjelokupnu dokumentaciju predmetnog postupka javne nabavke utvrđeno je da je Komisija postupala u skladu sa odredbama Zakona o javnim nabavkama Bosne i Hercegovine, podzakonskim aktima i zahtjevima tenderske dokumentacije, te da je preporuka o izboru najpovoljnijeg ponuđača data na osnovu pravilno i potpuno utvrđenog činjeničnog stanja.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

JP „LOKOM“ d.o.o. Sarajevo

Direktor

Edin Čano
Edin Čano

Dostaviti:

1. Dinalsa d.o.o. Sarajevo,
2. DRVOPROX d.o.o. Sarajevo,
3. „KlicoTransGradnja“ d.o.o. Sarajevo,
4. Referent za marketing (objava na web stranici),
5. Komisija za javne nabavke,
6. U spis predmetne nabavke,
7. a/a.